

Xwendegeh

Roja hîlbijartinê ya li 17'yê îlonê, wê biryar li ser pêşeroja Swêdê bihêt dayin û ez û tu em bi xwe hildibijêrin. Em hemû xwedî berpirsiyarek in, graniya dengê me her yek e. Ma em ê xurtbûna civata xwe baştir yan xirabtir bikin bi vê kêmkirina kronê ji her pênc kronên ji kîsê me yê beşdar ê bacê? Ma ew ê modêla swêdî bihêt pêşvexistin yan li cihê xwe hiştin?

Ji bo me Sosyaldemokratên ev pêdivî ye, ku tevayiya xwendekaran gerek bibin xwedî pileya zanebûnekê, daku li bazara xebatê û li civatê bikaribin debara xwe bikin. Zanebûn derfetê dide mirovî, da ku mirov li jîyanê pêşve here û bibe xwedî desthilat. Ji ber vê yekê ye, ku perwerde divêt çî car ji bo çend kesekê tenê ne be. Gava zanebûn bibe para her kesî, hingê zanebûn jî berfirehtir dibe. Perwerdeya bi kalîteya bilind, ji bo ew Swêda me ya wekhev û bidad pêdivîyek e.

Tev xwendegeh divêt xwendegehên baş bin

Me na vê ku ji her 10 şagirdî yek ji xwendina seretayî (grundskola) herin lîseyê (gymnasieskola). Bi gelek mamosteyan, derfet ji tevayê xwendekaran re derdikeve, da ku xwendekar bikaribin xwe bigehînin amancên zanebûnan. Em ê xwe bidin ser karê li xwendegehên peydakirina gelek mamoste û pîsporên. Amanca peydakirina 15 000 mamoste û pîsporên din li dibistanan wê di nav sala 2006'î de pêk were.

Ew xwendegehên ku pêwîstî bi piştgiriya herî pir heye, wê piştgirî bigrin. Di nav van salên li pêşiya me, wê 225 milyon kron wê werin dayin ji bo dibistanên di nav dijwariyên herî dijwar de ne. Ev derfetên diravî her wisan ji bo bêhtirkirina pêşveçûna li ser pîrsa xwendin- û zimanî, ji bo xwendekarên ji kok û binyad ji welatê din in. Ev bêhtirkirin wê hem ji bo zimanê swêdî û hem jî ji bo zimanê zikmakî be. Pêwendiya navbera malbat û dibistanê wê pêwendiya herî sereke be. Hingavê din a li pêş me ev e, ku em ji bo wan 100 xwendegehên, ku rastê dijwariyên herî pir hatine, derfet bidin wan da ku ji xwe re 1 000 pedagoj bixin ser kar.

Pêşveçûna pedagojîkî û pîralîbûn wê li temamê xwendegehên bihêt pêşvexistinê. Xwendegehên serbest, wê wek parçeyek xwendegehên şaredariyê (kommunal skola) kar bikin. Lê damezirandina dibistanên



serbest ên nuh, divê perwerde û xwendina zaruyên li xwendegehên şaredariyan ne be astek xirab. Gava ew ê destûr ji bo damezirandina xwendegehê serbest (fristående skola) were dayinê, ew ê pirsarê lidervehiştinê bi taybetî were destnîşankirinê. Desthilatdariya şaredariyan ya li ser karê pêşvexistina xwendegehên serbest wê taybetî were zexmkirinê. Her kronêk ji bacê ku wê li ser xwendegehê were razandinê, wê here perwerdeya xwendekaran. Ew xwendegehên, ku wek şîrketên bazirganiyê (aktiebolag) dihên bi rêvebirinê, heger qezenca wan dîsan vegere û bikeve kîsê dibistanê ji bo baştirkirina kar û barê wê, hingê ew ê piştgiriya aborî ya dewletî werbigirin.

Kes wê li paş ne hêt hiştinê

Çi keç û çî kur wê kes li paş ne hêt hiştinê li xwendegehê. Zaro her yek bi rengekê ne û cihê ne. Gelek şeweyê cihê yê hînkirinê li ber me hene, lê belê xwegihandina zanebûnê, mafê me her kesekî ye. Ji ber vê yekê pir grîng e, ku dêbav bibin xwedî agahiyên zelal, ku kar û bar li xwendegehê çawan bi rê ve dihere. Şopandina li ser pêşketina zanebûna xwendekaran wê bihêt zexmkirinê. Ji 1'ê Çileyê Paşîn 2006'ê û vir ve, her xwendekarê li dibistanê, ji destpêka sala 1ê û pê de, xwedî mafê pîlana pêşketinê yê kesane (individuell utvecklingsplan) ye. Di vê plana kesane de, ku bi beşdariya xwendekar û dêbavan pêşkeve, wê pir zelal û aşkere be, ku çî tê xwastin ji bo xwendekar bikaribe xwe bigehîne amanca xwe ya zanebûniyê. Ev pîlana kesî ya pêşketinê, wê bi rêkûpêkî ji hêla xwendegehê ve were li bin çavdêriyê girtin.

Ji bo mamoste di serdemek pêşî de bizanibin ku xwendekarek pêwîstî bi piştgiriya zêde heye, Avahiya Sereke Ya Kar û Barê Perwerdeyî (Skolverket), nuha mijûl e, ku azmûnên dîagnostîkê (diagnostiska prov) ji bo xwandin û matematîkê amade bikin.

Lîseyê Hevdem

Em Sosyaldemokrat me na vê ku ji 85% ê xortên 22-salî xwedî bi tenê xwandina lîseyê ya 3-salî ne. Ji ber vê yekê ye, ku em piştgirî didine wan xwendekarên lîseyê, ku xwedî dijwariyên herî pir in. Her wisan jî em hewla derfetên bêhtir didin, ku kwalîteya programa kesane (individuell program) ya lîseyê pêşvetir bibin. Tevayiya wan şagirdên, ku di bernameya kesane de ne, ew piştgiriya ku ji bo wan gerek e wê cîbicî bibe, da ku ew xwe bigehînin bernameya netewî (nationellt program). Her wisan em perwerdeya ji bo amadekariya pîşesaziyê (yrkesförberedande program) jî baştir dikin. Perwerdeyek nuh a lîseyê ji bo şagirdmendiya (lärlingsutbildning) dest pêdike. Hevgirêdana di navbera mijarên bingehîn (kärnämnen) û mijarên pîşeyî (yrkesämnen) dihêt zexmkirinê. Insiyatîfên herêmî ji bo hevkarîyê ya di navbera şaredarî û jiyana xebatkariyê dihêt ber bi pêşxistinê.

Alternativa vê

Li hevberî ramyariya xwendegehê ya Sosyaldemokratiyê, Moderat û ew hevberî baskê wan ê rastê (högeralliansen) dirawestin. Ew pêşniyar dikin ku azmûna gihaştîbûna ji bo xwendegehê



(skolmognadsprov) li dar bixin û wek notê qarneyê (betygsläkande omdömen) ji bo zarokê heftsalî bidin. Ma gelo ev rewya ye ku mirov wisan di temenê biçûk de mor li zarokan bixe, ku ew bi kêrî hînbûnê na yê? Li ew welatê Swêdê ku di bin destê hevbendîya baskê rastê de ye, çiyê temamê zarokan nîn e li dibistanan.

Hevbendîya rastê ya di bin dolîwgeriya Moderatan de, dixwazin bernameya kesane ya li xwandina lîseyê daxin û her wisan karguzeriyên li nik van şagirdên, ku li ser xwandina pîşesaziyê ne. Ev hevbendîya rastê dixwaze pêşerojê bi ramyariyek rastê bidin ber mirovî, da ku cudahiya di navbera xelkê bêhtir bibe, daxwaziya ji bo zanîna kêmtir bibe û hêza berberiyê ne mîne.

Li Swêdê wê her kes beşdar be. Ma tu kîjan Swêdê hildibijêrî?

